



ՀԱՍՏԱՏՈՒՄ ԵՄ՝
Շրջակա միջավայրի նախարար
Հակոբ Սիմիդյան



ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0075-23

Ձեռնարկողը՝

«Ավ Կոմպանի» ՍՊԸ

ք.Երևան, Կոմիտաս պողոտա 60/2

Գործունեությունը՝

**Ստեփանավան համայնքի Աշտարբերդ թաղամասում
նախատեսվող 15 բազմաբնակարան բնակելի շենքի
կառուցման շրջակա միջավայրի վրա ազդեցության
նախնական գնահատման հայտ**

Լոռու մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0075-23

«08» 05 2023թ.

**Լոռու մարզի Ստեփանավան համայնքի Աշտարեերդ թաղամասում
նախատեսվող 15 բազմաբնակարան բնակելի շենքի կառուցման շրջակա
միջավայրի վրա ազդեցության նախնական գնահատման հայր**

Ձեռնարկող՝	«Ավ Կոմպանի» ՍՊԸ
Փաստաթղթի տեսակը՝	Շրջակա միջավայրի վրա ազդեցության նախնական գնահատման հայր
Գործունեությունը՝	«Գ» կատեգորիա
Տեղադրման վայրը՝	ՀՀ Լոռու մարզ, Ստեփանավան, Աշտարեերդ թաղամաս

Ներածական մաս. «Ավ Կոմպանի» ՍՊ ընկերությունը /այսուհետ՝ Ընկերություն/ նախատեսում է Լոռու մարզի Ստեփանավան համայնքի Աշտարեերդ թաղամասում կառուցել բազմաֆունկցիոնալ բնակելի համալիր:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 7)-րդ կետի, «ա.» ենթակետի ներկայացված գործունեությունը դասակարգվում է «Գ» կատեգորիայի գործունեության տեսակների ցանկում և ենթակա է շրջակա միջավայրի վրա ազդեցության փորձաքննության:

Նախատեսվող գործունեության նախագծային աշխատանքների համար հիմք է հանդիսացել պատվիրատուի հայտը, Ստեփանավանի համայնքապետարանի կողմից 14.11.2022թ. տրված N 53 նախագծման թույլտվությունը /ճարտարապետահատակագծային առաջադրանք/: Հողամասի նպատակային նշանակությունը՝ բնակավայրերի, գործառնական նշանակությունը կամ հողատեսքը՝ բնակելի կառուցապատման, գրանցված իրավունքի տեսակը՝ համայնքային սեփականություն: Բազմաֆունկցիոնալ բնակելի համալիրի կառուցապատման ենթակա հողամասի ընդհանուր մակերեսը կազմում է 16.92 հա:

Նկարագրական մաս. Աշտարեերդ թաղամասը գտնվում է Ստեփանավան համայնքի սկզբնամասում՝ Երևան-Տաշիր ճանապարհի ճախակողմյան հատվածում: Թաղամասի մուտքը կազմակերպված է Ստեփանավան համայնքի Բաղրամյան փողոցից /Երևան-Տաշիր/: Քննարկվող թաղամասում գոյություն ունեն թվով 24 փայտյա բնակելի շենք, մանկապարտեզ, ավտոտնակներ, կիսաքանդ շինություններ և այլ նշանակության կրպակներ և շինություններ: Տարածքում գոյություն ունեցող վերոնշյալ շինությունները նախատեսվում է քանդել ըստ նախնական ստացած տեխնիկական վիճակի ուսումնասիրության եզրակացության:

Նախատեսվում է կառուցել թվով 15 բազմաբնակարան բնակելի շենք՝ ապահովելով քանդվող բնակարանների քանակները և մակերեսները: Նախատեսվում է կառուցել 3 տիպային շենք, որոնցից՝ Տիպ 1-11 շենք (1-ին տիպի շենքը բաղկացած է 3 հարկից: Շենքի արտաքին չափերն են. Լայնությունը՝ 17.8 մ, երկարությունը՝ 31.8մ, բարձրությունը շենքի +/-0.00 նիշից 11.8 մ: Տիպ 2-2



շենք (2-րդ տիպի շենքը բաղկացած է 3 հարկից և նկուղային հարկից: Շենքի արտաքին չափերն են լայնությունը՝ 17.8 մ, երկարությունը՝ 31.8, բարձրությունը շենքի +/-0.00 նիշից՝ 11.8 մ: Կառուցապատման մակերեսը հողի վրա-561.76 քմ), Տիպ 3-2 շենք (3-րդ տիպի շենքը բաղկացած է 3 հարկից և նկուղային հարկից: Շենքի արտաքին չափերն են լայնությունը՝ 17.8մ, երկարությունը՝ 31.8, բարձրությունը շենքի +/-0.00 նիշից՝ 11.8 մ: Կառուցապատման մակերեսը հողի վրա-561.76 քմ): Խոհանոցներում և լոգարաններում նախատեսված են ուղղաձիգ հորաններով օդի արտածման համակարգեր: Օդի արտածումը կատարվում է բնական եղանակով: 2-րդ և 3-րդ տիպի շենքերի նկուղային հարկում նախատեսվում է թաքստոց, որը նախատեսվում է օգտագործել որպես ավտոկայանատեղի բնակիչների համար: Բազմաբնակարան բնակելի շենքի ավտոկայանատեղիիում նախագծված են օդափոխության և ծխահեռացման համակարգեր՝ մեխանիկական դրդմամբ: Ավտոկայանատեղիից ծխահեռացումը իրականացվում է ԾՀ-1 համակարգով՝ կենտրոնախույս ծխահեռացման օդամուղի միջոցով: Ն-3 համակարգով կոմպենսացվում է հրդեհի ժամանակ հեռացվող օդը: Ն-2 համակարգով կատարվում է օդի դիմհար սանդղավանդակի և վերելակի նախամուտքին՝ ապահովելով մարդկանց էվակուացիան հրդեհի ժամանակ:

Կառուցապատվող տարածքը ունի քիչ թեքություն: Տարածքի բարեկարգման շրջանակներում նախատեսվում է նորոգել ճանապարհները և կառուցել նորերը /լայնությունը ընդունված է 6 մ/, ինչպես նաև նախատեսել մայթեր և քայլուղիներ: Բնակարանների քանակը 308 հատ (15 շենքերում միասին), ավտոկայանատեղիների քանակը 68 հատ (ներսում), 227 հատ (դրսում):

Շինարարական աշխատանքների ավարտից հետո նախատեսվում է տարածքը կանաչապատել և բարեկարգել: Կանաչապատումը իրականացվելու է համաձայն բարեկարգման, արդիականացման և կանաչապատման նախագծի: Տարածքում կիրականացվի սիզամարզի ցանքս, կոնկրետ ծառեր և թփեր: Տարածքում նախատեսվում է տնկել սոճի 308 հատ, թղկի 308 հատ, հուդայածառ 68 հատ, կեչի 154 հատ, ուռենի 308 հատ: Կանաչապատ տարածքների ներքին ոռոգման ցանցը նախատեսվում է կաթիլային: Նախատեսվող կանաչապատման աշխատանքների համար կօգտագործվի տեղի բուսահողը: Կանաչապատման աշխատանքները կիրականացվեն ՀՀ կառավարության 08.02.2018 թվականի N 108-Ն որոշման համապատասխան: Շինարարական աշխատանքների ընթացքում առաջացող 6200 խմ ծավալով հողի բերրի շերտը կկուտակվի տարածքում պահպանելու նպատակով: Բերրի շերտի հանումը, տեղափոխումը, պահեստավորումը և հետագա օգտագործումը իրականացվելու է համաձայն ՀՀ կառավարության 2017թ նոյեմբերի N1404 որոշման :

Գեոմորֆոլոգիական տեսակետից տարածքը գտնվում է Լոռվա սարահարթի սահմաններում: Տեղանքի ռելիեֆը հարթ է փոքր թեքությամբ ընկնում է դեպի հյուսիս-արևմուտք:

Վարչական տեսակետից հետազոտվող տեղամասը տեղադրված է Լոռու մարզի Ստեփանավան քաղաքի ծայր արևելյան մասում: Նախատեսվող տարածքի արտաքին սահմանագծից 50մ շառավղով այլ շենք, շինություններ չկան: Տարածքում բնության և պատմամշակույթային հուշարձաններ չկան: Ծառաթփային բուսականությունը բացակայում է:

Ստեփանավան քաղաքի մոտակայքում գտնվող բնության հատուկ պահպանվող տարածքն է Ստեփանավանի դենդրոպարկը, այն գտնվում է Լոռու մարզի Գյուլագարակ գյուղում, Ստեփանավան քաղաքից 12 կմ հեռավորության վրա, Երևանից 155 կմ հյուսիս, ծովի մակերևույթից շուրջ 1450 մետր բարձրության վրա:

Շինարարության նորմատիվ տևողությունը որոշվել է համաձայն (N 596-Ն 19.03.2015թ. ՀՀ Կառավարության որոշում կետ 111, 113) ՍՆԻՊ 1.04.03-85* մաս II, հետ և հիման վրա հաշվի առնելով օբյեկտի նշանակությունը, կոնստրուկտիվ բնութագիրը, ընդհանուր մակերեսը: Օբյեկտի ընդհանուր կոմպլեքսի շինարարության նորմատիվ տևողությունը ծրագրվում է 48,0 ամիս շինարարական աշխատանքների կատարման համար թույլատրման տրամադրման օրվանից:



Բոլոր տիպի շինմոնտաժային աշխատանքները կատարվելու են պահպանելով շինարարական նորմաները, կանոնները, ստանդարտները և նախագծի տեխնիկական պայմանները:

Շինհրապարակը կազմակերպելիս պետք է ղեկավարվել ՀՀ քաղաքաշինության, տեխնիկական և հորդեհային անվտանգության տեսչական մարմնի կողմից տրված հրահանգներով: Շինհրապարակը կոմպլեկտավորվում է հակահորդեհային ինվենտարով:

Հետիոտների անվտանգությունը ապահովելու նպատակով շինհրապարակը անհրաժեշտ է ցանկապատել թիթեղով, մարդկանց անցման հատվածներում անվտանգության նկատառումներով պայմանավորված նախատեսել թիթեղյա ծածկոց:

Հողային աշխատանքների իրականացման ընթացքում պայթեցման աշխատանքներ չեն նախատեսվում:

Մասնաշենքերի ներքին ինժեներական ցանցերի միացումը արտաքին ինժեներական ցանցերին կկատարվի մասնագիտացված շինմոնտաժային կազմակերպությունների կողմից:

Շինարարության նյութատեխնիկական մատակարարումը նախատեսվում է շինարարական ինդուստրիայի ձեռնարկություններից և գլխավոր կապալառու կազմակերպության արտադրական բազայից: Շաղախը և բետոնը կառաքվեն Ստեփանավան քաղաքի մոտակա բետոնաշաղախային հանգույցներից մասնագիտացված տրանսպորտային միջոցներով:

Փոխադրամիջոցների և շինարարական մեքենաների տեխնիկական սպասարկումը և լիցքավորումը իրականացվելու է շինհրապարակից դուրս մասնագիտացված կետերում: Տարածքում քսայուղեր և վառելանյութ չի պահեստավորվելու: Շինարարությունը կիրականացվի մասնագիտացված կազմակերպության կողմից: Բրիգադների քանակական և մասնագիտական /որակական/ կազմը սահմանվում է աշխատանքների ծրագրված ծավալների, աշխատատարության և աշխատանքների կատարման ժամկետների հիման վրա: Շինարարությունում աշխատողների ընդհանուր թիվը կազմում է 94 մարդ, որից ինժեներատեխնիկական անձնակազմ՝ 4 մարդ:

Շինարարական տեխնիկայի համար համապատասխան վառելիքի լիցքավորումը և յուղումը իրականացվելու է շինհրապարակից դուրս լցակայաններում կամ սպասարկման կետերում:

Շինարարական նյութերից օգտագործվելու է ցեմենտ, մետաղական ամրաններ և այլ կոնստրուկցիաներ, ապակի, փայտ, սրբատաշ և կոպտատաշ քարե շար, երեսպատման նյութեր և այլն: Բնառեսուրսներից օգտագործվելու է միայն ջուր՝ աշխատանքային հարթակի ջրցանի, հանված գրունտի և ստացվող ավազի ու խճի խոնավացման, ինչպես նաև շինարարական անձնակազմի խմելու և կենցաղային նպատակների համար: Հիմնական թափոնատեսակը, որը կառաջանա շինարարական աշխատանքների ընթացքում, կենցաղային աղբն է ամսական մեկ մարդու հաշվարկով $6 \text{ կգ } 94 \times 6 \times 48 / 1000 = 27.1 \text{ տ}$ և շինարարական աղբն է մոտ 18624 տ ծավալով: Շինարարական աղբը ամբողջությամբ տեղափոխվելու է տեղական ինքնակառավարման մարմինների կողմից հատկացված վայր: Առաջացած կենցաղային աղբը կտեղափոխվի աղբահավաք ծառայության կողմից:

Բազմաբնակարան բնակելի շենքերի ջրամատակարարումը և ջրահեռացումը իրականացվելու է համաձայն տեխնիկական պայմանի միանալով <<Վեոլիա Ջուր>> ՓԲԸ-ի ցանցին, որի համար սահմանված կարգով ստացվել է տեխնիկական պայման և լիցենզավորված կազմակերպության կողմից կիրականացվի նախագիծ: Ջրամատակարարումը հնարավոր է միացնել հարևանությամբ անցնող $d=160$ մմ ջրագծից, իսկ կոյուղին՝ շրջանցվող կոյուղատարին $d=250$ մմ խողովակով:

Շինարարության փուլում ջրցանման համար անհրաժեշտ ջուրը կբերվի պայմանագրային հիմունքներով՝ ավտոցիստեռներով, իսկ աշխատողների խմելու ջուրը կմատակարարվի տարաներով: Շինարարության փուլում աշխատողների կոմունալ կենցաղային պայմանները կապահովեն տեղադրելով բիոզուգարաններ:



Շինարարական աշխատանքների ընթացքում և շահագործման փուլում բնակելի շենքերի էլեկտրամատակարարումը կիրականացվի Աշոտաբերդ թաղամասում գործող 2 հատ տրանսֆորմատորային ենթակայաններից 1. LSԵ 3023 250կվա հզորությամբ, LSԵ 3024, 400 կՎԱ հզորությամբ: Բնակելի համալիրի գազաֆիկացումը 592խմ ժամային ծախսով կիրականացվի Աշոտաբերդ թաղամասում ՊԳԿԿ-100-ի ելքագծի գազատար խողովակից:

Բնակելի համալիրի գազաֆիկացումը 592խմ ժամային ծախսով կիրականացվի Աշոտաբերդ թաղամասում ՊԳԿԿ-100-ի ելքագծի գազատար խողովակից:

Բազմաֆունկցիոնալ բնակելի համալիրի էներգաարդյունավետությունը նախատեսվում է համապատասխանեցնել ՀՀ կառավարության 12.04.2018թ. N426-Ն որոշմամբ սահմանված չափորոշիչներին, ինչի ուղղությամբ իրականացվելու են համալիր միջոցառումներ, որոնց թվում են երեսպատման համակարգը, բարձր էներգաարդյունավետությամբ պատուհաններ և վիտրաժներ, տանիքի և ստորգետնյա հարկի ջերմամեկուսացում:

Նախատեսված է շրջակա միջավայրի վրա հնարավոր ազդեցությունը և վնասակար ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

- շինարարական աշխատանքներում փոշենստեցման նպատակով նախատեսվում է իրականացնել տարածքի ջրցանում տարվա շոգ և չոր եղանակներին, օրական 2-3 անգամ,
- ջրցանի ծավալները հաշվարկվում են այնպես, որ չառաջանան մակերևութային հոսքեր և ջուրը բավականացնի միայն փոշենստեցման համար,
- անձրևների ժամանակ առաջացող շինարարական հոսքաջրերը կուղորդվեն պարզարան,
- շինարարական նյութերի (հատկապես սորուն շինարարական նյութերի դեպքում, ինչպիսիք են ավազը, խիճը, հողը և այլն) տեղափոխումը կիրականացվի փակ ծածկով մեքենաներով,
- սորուն նյութերի պահեստները ծածկել համապատասխան բարձրությամբ թաղանթով, ինչը կանխարգելի փոշու տարածումը,
- շինարարական նյութերը կտեղադրվեն բետոնապատ մակերեսի վրա,
- աշխատանքների ավարտից հետո կմաքրվեն բոլոր տարածքները և առաջացած թափոնները կտեղափոխվեն ինքնակառավարման մարմնի կողմից հատկացված աղբավայր,
- կանաչապատումը իրականացվելու է համաձայն բարեկարգման, արդիականացման և կանաչապատման նախագծի, որը կներկայացվի համայնքի համաձայնեցմանը,
- շինարարական աշխատանքները և տրանսպորտի տեղաշարժը կկազմակերպվի ցերեկային ժամերին,
- շինարարական աշխատանքներում կներգրավվի ժամանակակից աղմուկի առաջացման ցածր ցուցանիշներ ունեցող տեխնիկական միջոցներ, ինչպես նաև դրանք կշահագործվի տեխնիկական նորմալ վիճակում,
- շինարարական գործընթացներում ներգրավված տեխնիկայից նավթանյութերի արտահոսքի հավանականությունը նվազեցնելու նպատակով, անհրաժեշտ է, որ այդ տարածքներում ապահովվի սարքավորումների և մեքենաների պատշաճ տեխնիկական վիճակ, ինչպես նաև ներգրավվի ժամանակակից տեխնիկական միջոցներ,
- պարբերաբար կստուգվի շինարարական տեխնիկայի և փոխադրամիջոցների տեխնիկական վիճակը և կիրականացվի կարգաբերումներ:

Բնակելի համալիրի շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացմանն ուղղված հետևյալ մշտադիտարկումները.

1. Մթնոլորտային օդ կատարվող աղտոտող նյութերի (փոշի, CO, NOx) արտանետումների որակական և քանակական պարամետրերի պարբերական չափումներ, ամիսը մեկ հաճախականությամբ:



2. Փոշենստեցման նպատակով նախատեսվում է իրականացնել տարածքի ջրցանում տարվա շոգ և չոր եղանակներին, օրեկան 2-3 անգամ;

3. Օգտագործված մեքենայական յուղերով ու քսայուղերով հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ երեք ամիսը մեկ հաճախականությամբ;

4. Աղմուկի և թրթռումների մշտադիտարկումներ՝ երեք ամիսը մեկ հաճախականությամբ:

5. Շինհրապարակի որակի, բանվորական հագուստի կուլտուրայի, անվտանգության կանոնների պահպանմանն ուղղված մշտադիտարկում՝ համաձայն ՀՀ կառավարության 2020թ. հուլիսի 2-ի նիստի N 87 արձանագրության պահանջների,

6. Կանաչապատման աշխատանքներ իրականացնող կազմակերպությունը պետք է հետևողական լինի տնկված ծառերի աճի և խնամքի համար: Բնապահպանական միջոցառումների համար նախատեսվում է ամբողջ շինարարության ընթացքում հատկացնել 2480000 դրամ:

Պարճառաքանական մաս. Նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Ստեփանավանի համայնքապետարանի վարչական շենքում անցկացված հանրային քննարկումներում գործունեության իրականացումը մասնակիցների կողմից արժանացել է հավանության: Հայտի վերաբերյալ փորձաքննական գործընթացում ստացվել են կարծիքներ՝ Առողջապահության, Արտակարգ իրավիճակների, Ներքին գործերի Կրթության, գիտության, մշակույթի և սպորտի նախարարություններից, Քաղաքաշինության կոմիտեից, Կադաստրի կոմիտեից, Լոռու մարզապետարանից, ինչպես նաև շրջակա միջավայրի նախարարության ստորաբաժանումներից: Ստացված դիտողությունները և առաջարկությունները հաշվի են առնվել Հայտի լրամշակումներում:

Ամփոփելով Հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Բազմաֆունկցիոնալ բնակելի համալիրի կառուցման ընթացքում անհրաժեշտ է պահպանել ՀՀ առողջապահության նախարարի 2012 թվականի սեպտեմբերի 19-ի N 15-Ն հրամանով հաստատված «Կազմակերպություններում աշխատողների սանիտարակենցաղային սենքերի» N 2.2.8-003-12 սանիտարական կանոնների և նորմերի պահանջները:

2. Կանաչապատման աշխատանքներն իրականացնել ՀՀ կառավարության 08.02.2018 թվականի N 108-Ն որոշման համապատասխան:

3. Շինարարության ընթացքում որպես պարտադիր պահանջներ, անհրաժեշտ է՝

- շինհրապարակի արտաքին տարածքը սահմանազատել ժամանակավոր ցանկապատով, անցկացնել լուսավորություն և տեղադրել արգելափակիչ նշաններ,
- շինությունները ծածկել համապատասխան բարձրությամբ փոշու տարածումը կանխող ցանցով,

- շինհրապարակից դուրս եկող մեքենաների անվադողերը լվանալ,
- բետոնի տեղափոխումն իրականացնել Հայտում նախատեսված ձևով բացառելով շինարարական հրապարակում կամ հարակից տարածքներում բետոնի արտադրությունը:

4. Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ



օրենսդրությամբ սահմանված կարգով՝ Ստեփանավանի համայնքապետարանի հետ համաձայնեցված:

5. Շինարարական աշխատանքների ընթացքում չխաթարել անշարժ գույքի տեղեկատվական համակարգի տվյալների համաձայն՝ կառուցապատման համար նախատեսված հողատարածքում առկա սեփականատերերի գույքային իրավունքները:

6. Տարածքի կանաչապատման աշխատանքները համաձայնեցնել Ստեփանավանի համայնքապետարանի հետ և իրականացնել «Բարեկարգման, արդիականացման և կանաչապատման» նախագծի համաձայն, որպես խնամքի պարտադիր միջոցառում ապահովել կանաչ տարածքների ոռոգումը:

7. Շինարարության ընթացքում պահպանել բնապահպանական կառավարման և մշտադիտարկումների պլաններում նախատեսված միջոցառումների իրականացումը և ժամանակացույցերը:

8. Նախագծի վերջնական տարբերակում և շինարարական աշխատանքների ընթացքում հաշվի առնել «Վեոլիա Զուր» ՓԲԸ-ի, «ՀԷՑ» ՓԲԸ-ի և «Գազպրոմ Արմենիա» ՓԲԸ-ի կողմից տրված տեխնիկական պայմանի պահանջները:

9. Նախագծի վերջնական տարբերակում հաշվի առնել ՀՀ կառավարության 12.04.2018թ. N426-Ն «Նոր կառուցվող բնակելի բազմաբնակարան շենքերում, ինչպես նաև պետական միջոցների հաշվին կառուցվող (վերակառուցվող, նորոգվող) օբյեկտներում էներգախնայողության և էներգաարդյունավետության տեխնիկական կանոնակարգը սահմանելու մասին» որոշման պահանջները:

10. ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

Լոռու մարզի Ստեփանավան համայնքի Աշոտաբերդ թաղամասում նախատեսվող 15 բազմաբնակարան բանակելի շենքի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջին կարգի փորձագետ՝



Աննա Սարգսյան